

06.06.2014.



U organizaciji Ministarstva za privredu i nadležnih komisija Skupštine Bosansko-podrinjskog kantona, u Goraždu su danas održane javne rasprave o nacrtima zakona o koncesijama, industrijskim zonama i javnim skijalištima BPK-a.

Kako ističe ministar za privredu Demir Imamović, kad je riječ o Zakonu o koncesijama on je znatno poboljšan u odnosu na važeći zakon iz ove oblasti koji je donesen 2003. godine, dok su zakoni o industrijskim zonama i javnim skijalištima potpuno novi zakoni koji regulišu pomenute oblasti.

„Mislim da su zakoni bitni i da treba da riješe neke od problema sa kojima se suočavamo, kao i da se na neki način uspostavi sistem pružanja podrške privrednim društvima unutar industrijskih zona na području našeg kantona. Sve primjedbe iznesene na javnim raspravama ćemo razmotriti i nastojat ćemo da uvažimo one koje budu opravdane. Što se tiče Zakona o koncesijama, nama je bitno da on osigura da se ekonomska korist od korištenja koncesija dijeli ravnomjerno i na koncesionara i koncesora. Znači da od prihoda od prirodnih dobara, dobara opće upotrebe, koristi imaju podjednako kako koncesionari, tako i građani koji će indirektno, putem naplate koncesione naknade, imati koristi od te koncesije.“ – istakao je danas ministar za privredu BPK Goražde Demir Imamović.

Današnjim raspravama prethodile su javne rasprave u općinama Foča (FBiH) i Pale (FBiH).



Izvor: www.bpkg.gov.ba